

摘藻堂四庫全書薈要

集部

欽定四庫全書薈要

集部

聖祖仁皇帝御製文集卷

一至三

詳校官原任編修臣徐立綱

欽定四庫全書薈要

聖祖仁皇帝御製文集卷一目錄

勅諭

諭戶部

諭吏兵二部

諭吏部

諭吏部

諭戶部



諭吏兵刑三部

諭吏兵二部

諭戶部

諭宗人府

諭刑部

諭刑部

諭吏部

諭吏部

諭宗人府吏兵二部

諭禮部

諭兵刑二部

諭兵部

諭吏部

諭吏部

諭吏兵二部

諭吏部

諭戶部

諭吏部

諭吏兵二部

欽定四庫全書薈要卷一萬二千九百八十三

集部

聖祖仁皇帝御製文集卷一

勅諭

諭戶部

前以爾部題請直隸各省廢藩田產差部員會同各該
督撫將荒熟田地酌量變價今思小民將地變價承買
之後復徵錢糧則民重累著免變價撤回差去部員除
變價已完田地外將現在未變價田地交與該督撫給

與原種之人令其耕種照常徵收錢糧以副朕愛養民
生之意至於無人承種餘田應作何料理著議奏爾部
即遵諭行特諭康熙八年三月初八日

諭吏兵二部

鰲拜等以勲舊大臣世受國恩奉

皇考遺詔輔佐政務理應精白乃心盡忠圖報不意鰲
拜結黨專權紊亂朝政紛更成憲罔上行私凡用人行
政鰲拜欺藐朕躬恣意妄為文武官員欲令盡出其門

內外要路俱用伊之奸黨班布爾善穆里瑪馬爾賽塞
奔代阿思哈噶出哈濟實訥莫太必免等結為黨羽凡
事先於私家商定乃行與伊交好者多方引用不合者
即行排陷種種奸惡難以枚舉朕久已悉知但以鰲拜
身係大臣受累朝寵眷甚厚猶望其改行從善克保功
名以全始終乃近觀其罪惡日多上負

皇考付託之重暴虐肆行致失天下之望過必隆明知
其惡緘默不言意在容身亦負委任朕以其罪狀昭著

將其事款命諸王大臣公同究審俱已得實以其情罪重大皆擬刑辟奏聞朕復召鰲拜等面加鞫問情罪俱真本當依議處分但念鰲拜累朝効力年久且

皇考曾經倚任朕不忍加誅姑從寬免死革職籍沒仍行拘禁遏必隆無結黨之事免其重罪削去太師及後加公爵其原有一等公爵仍准畱與伊子其班布爾善穆里瑪阿思哈噶出哈太必免塞奔代訥莫或係院部大臣或係左右侍衛乃皆依附權勢結黨行私表裏為

奸擅作威福罪在不赦皆已正法其餘皆係微末之人
一時苟圖僥倖朕不忍盡加誅戮寬宥免死從輕治罪
至於內外滿漢文武官員或有畏其權勢而依附者或
有身圖倖進而依附者本當察處姑從寬免自今以後
務須洗心滌慮痛改前非遵守法度恪共職業以副朕
整飭紀綱愛養百姓至意爾二部即傳諭內外遵行特
諭康熙八年五月二十五日

諭吏部

近究審鰲拜等罪案據稱莫洛白清額阿塔皆其黨羽
本當逮問治以重罪念其既經用為督撫畀以地方重
任以來剔除加派火耗等弊姑從寬免罪仍畱原任以
後著益殫心勉力潔已率屬綏輯地方愛養生民以副
朕宥過畱用之意特諭康熙八年五月二十六日

諭吏部

朕夙夜圖治念切民生艱難必加意撫綏各俾安居樂
業乃成久安長治之道邇年水旱頻仍盜賊未靖兼以

貪官污吏肆行朘削以致百姓財盡力窮日不聊生朕
甚憫焉爾等部院大臣科道各官或任要職或有言責
著即將拯救生民疾苦切實裨益之處各據所見明白
陳奏以備採用勿得妄行借端以無益之事塞責指陳
負朕加惠黎元圖治求言之意爾部即傳諭遵行特諭
康熙八年六月初六日

諭戶部

凡奉差及地方見任各官俱有料理公務併撫綏百姓

之責宜各盡乃職以副朕差遣簡用之意近聞奉差官員及督撫提鎮等大小文武各官不思各盡乃職反圖利已買良民為奴甚至多買餽送親友此等違法妄行好生可惡以後著永行嚴禁若仍前恣買良民者從重治罪決不饒恕爾部即遵諭通行曉諭特諭康熙八年六月初六日

諭吏兵刑三部

近審鰲拜家人罪案據洪善泥滿供出總督白秉真原

任巡撫張自德尚書龔鼎孳庶吉士王彥阿達哈哈番
金鼎分得撥什庫高翳子正紅旗高姓之官伊等俱曾
囑託行賄本當嚴究從重治罪但思此等囑託行賄者
尚多非止伊等朕已有諭旨將內外各官苟圖倖進作
弊者俱從寬免今供出各官亦俱從寬免罪以後務須
洗心改過恪守法紀副朕寬宥之意如不改過惡仍前
作弊定行加等從重治罪決不饒恕爾部即行曉諭特
諭康熙八年六月初七日

諭吏兵二部

蘇克薩哈奉

皇考遺詔輔政蘇克薩哈雖係有罪罪止本身不至誅
減子孫後嗣此皆釐拜等與蘇克薩哈不和挾讐言滅其
子孫後嗣深為可憫其白爾黑圖等並無罪犯因係族
人連坐誅戮殊屬冤枉其蘇克薩哈原官及白爾黑圖
等官職俱應給還爾二部將此案所革官員俱行察明
議奏特諭康熙八年六月十一日

諭戶部

朕繼承

祖宗丕基又安天下撫育羣生滿漢軍民原無異視務俾各得其所乃愜朕心比年以來復將民間房地圈給旗下以致生民失業衣食無資流離困苦已極深為可憫以後圈占民間房地著永行停止其今年所圈房地俱著退還民間爾部即速通行曉諭昭朕加惠生民至意至於旗下無地亦難資生應否將古北等口邊外空

間之地撥給耕種著議政王貝勒大臣會同確議具奏
特諭康熙八年六月十七日

諭宗人府

自古帝王建國親親賢賢義在並重我

太祖

太宗

世祖以來篤念本支敦睦九族咸加愛恤欲其成立以
共膺福祿也朕思罪有大小法有重輕宗室犯罪遽行

革除宗室朕心不忍除

世祖皇帝時定案外自順治十八年以後凡宗室有犯罪革除宗室者著將情節一併察明具奏特諭康熙八年六月二十七日

諭刑部

近聞官民家人以自縊投水身死報部者甚多凡此皆因本主不加愛養或逼責過甚難以存活故致身死非有迫切之情豈肯自盡以後官民務須各將家人撫恤

訓養勿得仍行逼責致死人命至重爾部即行曉諭申飭特諭康熙八年六月二十七日

諭刑部

設立通政司及登聞鼓衙門原以通達民隱陳告冤抑果有真正冤枉事情應赴該部院衙門告理近見奸惡棍徒或以瑣細小事捏成重大或以私讐借端陷害善良或受人僱託代為控告或擅入禁地及行幸之所衝突儀仗趣近喊告及將此等狀詞交與部院審理並無

大事及冤枉之處反因被告干証將良民株連受累者甚多故前此已行禁止今仍多有違禁妄告者以後著嚴加禁止如有惡徒仍前瀆告者除所告之事不准外著照律治罪爾部即嚴加曉諭遵行特諭康熙八年六月二十九日

諭吏部

刑部事務殷繁關係人命殊為緊要必得才猷練達者乃能勝任內國史院大學士對哈納諳練刑部事務著

加太子太保以內國史院大學士管刑部尚書事尚書明珠著以原品候補特諭康熙八年七月初四日

諭吏部

閱處分原任戶部尚書蘇納海原案並無大罪鰲拜等但以為撥地遲延遽行拏問多端文致誣陷不案律文任意將無辜處死原任總督朱昌祚巡撫王登聯於撥換地畝時見民間旗下困苦因有地方之責具疏奏聞輒以為非其職掌越行干預亦不按律文冤枉處死伊

等皆國家大臣並無大罪冤死深為可憫理應昭雪以示仁恩作何恩恤予謚及廕子入國子監讀書爾部議奏特諭康熙八年七月十一日

諭宗人府吏兵二部

凡令議政王貝勒大臣會議之事俱係國家重大機密事務會議之時理應極其慎密今聞會議之事尚未具題在外之人即得聞知此皆會議處不加慎密不嚴行約束間雜隨從之人以致聽聞傳語或係會議之官傳

說將國家大事如此預先洩漏殊為不合至於人衆愈覺煩雜其諸王貝勒法一丹大間散議政大臣俱著停其議政以後凡會議時諸王貝勒大臣務須慎密勿致洩漏爾衙門該部即通行曉諭嚴飭特諭康熙八年八月初二日

諭禮部

凡進貢來朝人等騎用馬匹駱駝應加意喂養肥壯以便往來行走昭示柔綏遠人之意近聞喂馬人役侵盜

草料致馬駝竟不肥壯殊為可惡此皆監管喂養章京及部內堂司官怠玩不經心之故以後若再仍前偷盜草料著監管喂養章京及巡察官員稽察舉發如不舉發致馬駝瘦弱將部內堂司官及喂養官役一併從重治罪決不饒恕特諭康熙八年八月初五日

諭兵刑二部

京師重地理應肅清近聞竊盜剪絡搶奪詐騙者甚多此皆步兵及五城司坊各官並巡捕營官兵稽察不嚴

巡緝不力或番役人等與盜交通受賄縱容以致奸惡之徒肆行無忌殊非法紀以後著該管文武官員嚴加巡察督率番役兵丁力行緝拏務使奸宄肅清良民無擾如仍前怠玩縱容交通作弊將該管官員一併從重治罪決不饒恕爾部即遵諭行特諭康熙八年八月初五日

諭兵部

近聞邊外蒙古進貢馬匹有接至邊界不由賣主強逼

勒買者甚至搶奪偷盜又或沿途跟隨強買或已入館將進貢馬匹強買此等違法妄行俱大不合理以後進貢馬匹必俟察收方許官員兵丁購買餘馬如仍前妄行者作何處分爾部會同理藩院議奏特諭康熙八年八月初七日

諭吏部

前京察處分滿尚書侍郎等因無事故被革俱給還原官令其候補今思滿漢諸臣被革相同朕原無異視應

一體昭恩京察內有漢尚書侍郎革處者著察明議奏
特諭康熙八年八月十一日

諭吏部

國家政務惟藉羣工贊理在京各衙門大小官員必各
稱其職乃可以襄邦隆之化部院等衙門滿漢各官應
行澄敘以示勸懲大學士尚書及三品以上堂官俱著
自陳三品司官及四品以下各官爾部會同都察院詳
加甄別具奏在外總督巡撫係封疆大臣職任緊要著

該部院察明任內功過稱職與否詳加甄別具奏爾部
即遵諭行特諭康熙八年八月十二日

諭吏兵二部

內大臣侍衛文武大小各官各有職掌理應精白乃心
恪遵法紀循分盡職以副朕任用之意近見有不安厥
分交通在內近侍使令人員妄行干求或潛為援引或
畏威趨奉揆之臣誼殊為不合朕施行政務懲創奸詐
佞諛察其忠賢才能者用之有等匪類妄行陷人以圖

僥倖自以為賢希覬陞遷善地以後如有不遵禁例仍
前干求趨奉者定行從重治罪決不饒恕爾二部即通
行內外及包衣佐領嚴加申飭遵行特諭康熙八年八
月十二日

諭吏部

朕思部院事務緊要分理詳覈係司官職掌必得賢能
之人方克勝任今爾部止將部院所有官員調用其旗
下上朝官員內豈無堪於部院任用者著嚴行曉諭各

該滿洲漢軍都統副都統等於阿達哈哈番以下拖沙喇哈番以上有通曉滿文或通曉漢文堪於部院任用有才能之官從公詳擇一旗四五員以下咨送爾部俟各旗缺出與應陞官員一併擬出題用特諭康熙八年十月初三日

諭戶部

朕巡幸田獵之處一切御用等項俱係各該衙門由京城備辦供用毫無取於地方除內廄馬匹不用草料其

部中應差馬匹所需草料亦屬不多向來聞有地方官員指稱御用科派民間各物伺候既不便銷算又不退還民間貪污官吏侵肥入已以致小民苦累殊違法紀以後著嚴行禁止如地方有司仍有借端科派者著該管官嚴加稽察題參重處如該管官不行參奏或別經發覺將該管官一併治罪爾部即通行嚴飭仍刊示曉諭遵行特諭康熙八年十月初四日

諭吏部

原任山陝總督莫洛陝西巡撫白清額已經甄別處分
本當不復任用近據甘肅巡撫劉斗等合詞奏稱莫洛
有益地方兵民數千哀求代題畱任又據西安等處鄉
約百姓趙璉等稱莫洛白清額實心實政老稚感悅保
奏畱任等語朕思簡用督撫原欲其綏輯地方愛養百
姓今莫洛等既為地方愛戴特順輿情免其處分莫洛
白清額俱著復還原官仍畱任以後著益殫心供職以
副朕寬宥任用之意達爾布著改為山西巡撫馬雄鎮

著候缺另用爾部即遵諭行特諭康熙八年十一月初八日

諭吏兵二部

朕因田獵畿南文武官來朝見者親加詢問河間縣知縣劉果才具優長著從優陞用又閱試弓馬都司孔弘憲千總王希喆侯慶凱把總陳良弼俱弓馬嫻熟具有才幹俱著從優陞用冀州知州李顯忠才具庸劣河間府副將佟透年老有病遊擊羅騰蛟楊煥斌守備黃燭

周鴻儒朱緯焦乃善馬現龍千總王天才薛琰孫大載
李實先王名揚王濬宗爾振賈顯沈永祥韓得桂張書
化朱振芳把總李克生包得勝金名第金成李從善張
龍王之相崔起龍劉元勝趙勇等俱弓馬不嫻才力不
及著察議具奏爾部即導諭行特諭康熙八年十一月初九日

聖祖仁皇帝御製文集卷一

欽定四庫全書舊要

聖祖仁皇帝御製文集卷二目錄

勅諭

諭吏兵二部

諭禮部

諭禮部

諭吏部

諭兵部

諭兵部都察院督捕衙門

諭戶兵二部

諭禮部

諭吏部等衙門

諭禮部

諭刑部

諭都察院左都御史明珠

諭禮部

諭禮部

諭吏兵二部

諭禮部

諭戶部

諭禮部

諭刑部等衙門

諭大學士巴泰索額圖李蔚魏裔介學士哲爾
肯哈占達都色黑馬朗古張鳳儀靳輔陳鼓

永

諭禮部

諭禮部

諭戶部

欽定四庫全書薈要卷一萬二千九百八十四

集部

聖祖仁皇帝御製文集卷二

勅諭

諭吏兵二部

向來包衣佐領下官員子弟不准為廕生監生其筆帖式無有品級今思內外官員効力相同加恩豈宜有別包衣佐領官員子弟准為廕監及筆帖式給與品級之處爾部定議具奏特諭康熙九年二月二十八日

諭禮部

慈和皇太后誕育朕躬未遂孝養思慕之忱每切於懷
雖已上

尊謚但今升祔

太廟配食

皇考典禮關係重大其應進

謚號著議政王貝勒大臣九卿科道會同詳議具奏特

諭康熙九年閏二月二十二日

諭禮部

皇考升遐倏忽十載罔極之思時恫於懷

山陵在望未一展祭尤切悽愴朕擬於今歲八月恭行謁
陵禮又奉

太皇太后旨思念情慙亦欲詣

陵朕敬遵

慈命躬侍前往所有應行典禮及需用各項爾部詳議
具奏特諭康熙九年閏二月三十日

諭吏部

朕思滿漢大小官員職掌相同品級有異應行畫一著議政王貝勒大臣會同定議具奏特諭康熙九年三月初九日

諭兵部

設立驛傳原為往來差遣緊要事務速於接應近聞州縣各驛馬匹缺少應付遲悞驛遞原有額設錢糧喂養草料驛傳道專行管理乃不盡心嚴察以致尅減錢糧

馬匹缺乏應作何稽察嚴禁爾部其詳議具奏特諭康熙九年三月十四日

諭兵部都察院督捕衙門

京師重地理宜肅清近聞京城內外惡棍肆行無忌或借端挾詐勒騙錢財或公然搶奪攪擾市肆或結夥橫行克毆良民又夜間盜劫時聞拏獲甚少此皆步兵甲喇大該巡城御史司坊各官督捕司官捕營將弁稽察不嚴緝捕無能以致奸盜不息善良受害作何嚴行申

飭緝拏如該管官仍前怠玩者作何處分爾部院衙門
會同定議具奏特諭康熙九年三月十四日

諭戶兵二部

滿州甲兵係國家根本雖天下平定不可不加意愛養
近聞八旗甲兵喂養馬匹整辦器械費用繁多除月餉
外別無生理不足贍養妻子家口朕甚憫之月餉銀米
應作何增給著為永例爾二部會同詳議具奏特諭康
熙九年三月二十日

諭禮部

自閏二月以來天氣亢暘雨澤稀少農務方殷殊切朕懷著爾部堂上官同順天府官員竭誠祈禱其應斷屠宰照例行特諭康熙九年三月二十二日

諭吏部等衙門

時已入夏雨澤愆期皆由部院大小臣工因循舊習不能精白乃心公廉盡職以致政務失當有干

天和爾等堂上官宜力圖脩省靖共職業嚴督所屬司

官凡事應秉公勤勵革除積弊勿瞻徇情面仍稽察胥吏作奸事有應結者速行完結勿得借端多駁圖遂已私其問刑等衙門一切獄訟務期平允得情速審速結勿得株累無辜久淹羈禁爾等大小各官須實心脩省勿得視為具文仍前怠玩有負朕委任責成之意著吏部通行申飭特諭康熙九年三月二十二日

諭禮部

科爾沁博爾濟金氏秉圖郡王額濟殷之親叔額德台

吉之子三等台吉阿郁錫之女選進宮中待年方欲冊封今遽爾長逝朕心深切軫悼宜追封為妃其封號及應行禮儀爾部即察例議奏特諭康熙九年五月初九日

諭刑部

近覽章奏罪犯監禁踰限不行速審以致斃獄者甚多夫各犯自有應得之罪未死於法先死於獄殊非慎刑折獄之意朕心深為不忍爾部將踰限不結監斃幾人以上者作何嚴加處分詳議定例具奏特諭康熙九年

六月十一日

諭都察院左都御史明珠

國家朝儀大體所在貴於整齊嚴肅不止係堂陛之觀
瞻亦以見臣心之敬肆諸王大臣有踰越班行交相接
語或輕佻嬉笑禮不踰階而相與言又況其甚乎爾衙
門監察御史侍班切近見而不糾豈真目未之覩皆緣
畏事徇情所以如此都察院職任重大朕躬有失尚爾
指陳王及諸臣乃不叅奏揆之事理實所未協今後有

失儀者毋得容隱康熙九年八月初四日

諭禮部

太祖高皇帝創建鴻圖肇興景運

太宗文皇帝丕基式廓大業克弘迨

世祖章皇帝誕昭功德統一寰區即欲躬

詣

太祖

太宗山陵以天下一統致告用展孝思因盜賊未靖師

旅繁興暫停往謁朕以眇躬纘承鴻緒上託

祖

宗隆庥天下底定盜賊戢寧兵戈偃息每念

皇考未竟之志朝夕寢食不遑寧處本欲先詣

太祖

太宗山陵再詣

世祖山陵因奉

太皇太后慈命以

世祖升遐十年未得一詣

陵寢於今年八月前往朕是以恭侍

太皇太后先詣

孝陵展謁禮成言還今欲仰體

皇考前志躬詣

太祖

太宗山陵以告成功展朕孝思著議政王貝勒大臣內
院九卿科道掌印不掌印各官會議具奏爾部即遵諭

行特諭康熙九年九月初二日

諭禮部

天文關係重大必選擇得人令其專心習學方能通曉
精微著選取官學生令其與漢天文生一同習學有精
通者俟該衙門缺出考試補用作何選取習學爾部議
奏特諭康熙九年九月初四日

諭吏兵二部

朕惟致治雍熙在於大小官員悉尚廉潔使民生得遂

內外滿漢文武官員各有職守理應律已潔清屏絕餽受乃能恪恭職業副朕任使至意近聞尚有因循陋習借名令節生辰在外文武官員剝削兵民餽送督撫提鎮司道等官督撫提鎮司道等官復苛索下官餽送在京大臣部院大臣官員科道等官在京官員亦交相餽遺前雖屢經嚴禁未見悛改仍行授受殊違潔已奉公之義兵民日漸窮困職此之由以後著痛加省改斷絕餽受以盡厥職如仍行餽受事發之日定將授受之人

一併從重治罪必不姑息爾部即遵諭嚴加曉諭內外
遵行特諭康熙九年九月二十一日

諭禮部

朕惟至治之世不專以法令為務而以教化為先其時
人心醇良風俗樸厚刑措不用比屋可封長治久安茂
登上理蓋法令禁於一時而教化維於可久若徒恃法
令而教化不先是舍本而務末也近見風俗日敝人心
不古囂陵成習僭濫多端狙詐之術日工獄訟之興靡

已或豪富凌轢孤寒或劣紳武斷鄉曲或惡衿出入衙
署或蠹棍詐害善良崔符之刼掠時聞讐忿之殺傷疊
見陷罹法網刑所必加誅之則無知可憫宥之則憲典
難寬念茲刑辟之日繁良由化導之未善朕今欲法古
帝王尚德緩刑化民成俗舉凡敦孝弟以重人倫篤宗
族以昭雍睦和鄉黨以息爭訟重農桑以足衣食尚節
儉以惜財用隆學校以端士習黜異端以崇正學講法
律以儆愚頑明禮讓以厚風俗務本業以定民志訓子

弟以禁非為息誣告以全良善誠窩逃以免株連完錢糧以省催科聯保甲以弭盜賊解讐忿以重身命等項作何訓迪勸導及作何責成内外文武該管各官督率舉行爾部詳察典制定議具奏特諭康熙九年十月初九日

諭戶部

淮揚所屬地方歲比不登屢屢朕懷今年又遭異常水災黃淮交漲隄岸衝決百姓室廬多被淹沒夏麥未獲

登場秋禾佈種水潦難施民生失所特差部臣速行踏勘准動正項錢糧存積銀米將饑民詳加賑濟但被災之民既無耕穫何以輸糧如再加催科愈不堪命今年淮揚所屬被災地方應徵錢糧共該若干爾部速行酌議蠲免以副朕恤災愛民至意特諭康熙九年十月初十日

諭禮部

帝王圖治必稽古典學以資啟沃之益經筵日講允屬

大典宜即舉行爾部詳察典例擇吉具儀來奏特諭康熙九年十月十三日

諭刑部等衙門

向來定例流徙尚陽堡寧古塔等處人犯六月十二月不行發遣其餘月分俱發今思十月至正月終俱屬寒冷之時流人多有貧者衣裝單薄無以禦寒以罪不至死之人凍斃道途殊為可憫以後流徙尚陽堡寧古塔人犯十月至正月終及六月俱停其發遣餘月照常發

遣爾部即遵諭行特諭康熙九年十二月十四日

諭大學士巴泰索額圖李蔚魏裔介學士哲爾肯
哈占達都色黑馬朗古張鳳儀靳輔陳鼓永

朕近日披覽章疏於科道官條奏有合於事理裨益政
治者虛懷聽納不憚見之施行其所言無益不可行者
非勦襲陳言則浮泛塞責爾諸臣寧有不知今後有言
關政理切實可行者照常票擬朕親加裁奪其或不可
行者若悉下部議既屬無益徒令章奏繁多恐反致應

行政務有所稽違爾等可詳酌事理以不准行擬旨朕
仍審擇而執其中古之聖帝賢王雖邇言是察亦無稽
勿聽用言致治之道蓋當如此康熙九年十二月二十
五日

諭禮部

朕前欲仰體

世祖章皇帝遺志躬詣

太祖

太宗山陵展祭以告成功命議政王貝勒大臣等會議
議政王等以去年各處多有水旱之災且為時甚迫應
用之物預備難及具題暫行停止今思

太祖

太宗創業垂統功德隆盛

山陵在望刻不能忘去年恭謁

孝陵禮成今已數月若再久延時日孝思莫殫朕懷殊
切靡寧茲當海內無事欲乘此時躬詣

太祖

太宗山陵以告成功用展孝思事闕大典著議政王貝勒大臣內閣九卿科道掌印不掌印各官會議具奏爾部即遵諭行特諭康熙十年正月十二日

諭禮部

今歲三春無雨風霾日作耕種愆期民生何賴皆由朕躬涼德政治未協大小臣工不能殫忠為國恪脩職業瞻顧因循惟圖自便偏私怠忽致干

天和用是朕夙夜靡寧深切儆惕今實圖修省勵精勤政體

上天仁愛之意感召休和為民請命內閣六部都察院等衙門大小官員各有職掌皆宜體朕倚任之意共効贊襄持廉秉公克盡厥職洗心滌慮痛改前非以迓天和爾部即遵諭通行申飭祈雨事宜照例作速舉行

時諭康熙十年三月十九日

諭戶部

頃因差往江南郎中禪塔海奏事來京朕面詢民生休戚據奏稱淮揚一帶地方水患未消人民饑饉流亡前雖行賑濟今無以餬口困窮至極聞此情形深切憫惻民為邦本如斯困苦豈可不速行拯救今應即行差官前往賑濟或就近截留漕米或動支何項銀兩糴米給散饑民爾部作速議奏特諭康熙十年三月二十八日

聖祖仁皇帝御製文集卷二

欽定四庫全書薈要

聖祖仁皇帝御製文集卷三目錄

勅諭

諭內閣翰林院

諭刑部等衙門

諭禮部

諭吏部

諭兵部

諭宗人府吏兵二部

諭禮部

諭禮部

諭吏兵二部

諭吏部

諭兵部併督捕衙門

諭禮部尚書哈爾哈齊侍郎常鼎

諭太常寺

諭戶部

諭吏部等衙門

諭吏兵二部

諭吏部

諭刑部

諭工部

諭宗人府

諭刑部

諭禮部

諭兵部

諭禮部

諭戶部

諭戶部

諭吏部

諭兵部

諭吏部

諭吏兵二部

諭戶部

欽定四庫全書薈要卷一萬二千九百八十五

集部

聖祖仁皇帝御製文集卷三

勅諭

諭內閣翰林院

致治之道無過法祖鑒於成憲乃罔有愆欽惟

太祖高皇帝開天垂統

太宗文皇帝式廓鴻圖規模弘遠啓佑無疆朕御極以
來景仰

先猷時切儀型之念

世祖皇帝時曾命儒臣纂修

太祖聖訓

太宗聖訓雖具彙進呈未經裁定頒布茲特命圖海李
霽為總裁官折爾肯折庫納熊賜履為副總裁官達哈
塔胡密子楊正中郭四海陳嘉猷富拉塔王勵昌陳志
紀周弘衛既齊為纂修官滿官四員漢官四員為謄錄
官滿漢典籍典簿四員為收掌官悉依前式分別義類

重加考訂勒成全書朕得以朝夕觀覽是訓是行亦俾
子孫臣民率由無斁卿等膺茲委任須恪恭勤勵務期
早竣以副朕覲光揚烈至意特諭康熙十年四月初四
日

諭刑部等衙門

邇來天氣亢暘不雨或因刑獄淹禁中有冤枉亦未可
知爾等將現監人犯詳加清理如有情罪可矜疑者照
例減等發落其現審人犯爾等速為審理應減等者即

與減等應釋放者即行釋放務期獄無冤滯以迓天和爾等即遵諭行特諭康熙十年四月初五日

諭禮部

今已入夏亢暘不雨農事堪憂朕念切民生躬自刻責特頒嚴旨戒飭各官修省過愆祈求雨澤乃精誠未達霖雨尚稽朕心晝夜焦勞不遑啓處茲朕虔誠齋戒躬詣

天壇祭告懇祈甘霖速降以拯生民爾部作速擇吉其

祭告儀物即行備辦特諭康熙十年四月初七日

諭吏部

朕觀侍郎嚴正矩章雲鷺通政使霍叔瑾才具庸常不能盡職俱著以原官致仕爾部即遵諭行特諭康熙十年四月二十一日

諭兵部

武官有防守地方緝捕盜賊之責必弓馬嫻熟方克勝任其不稱職者雖總督提督等有不時糾叅之例但與

其糾參於後貽誤地方不如於選授之時詳加選擇除
現任推陞各員外以後凡係應到部掣籤之官爾部即
考驗其弓馬然後令其掣籤如有不堪者具題照例給
以原品頂帶停其補授爾部即遵諭行特諭康熙十年
五月十一日

諭宗人府吏兵二部

以後王以下及文武官員處分罰銀及罰土黑勒威勒
之例應否酌量其情罪改為罰俸著確議具奏特諭康

熙十年五月二十六日

諭禮部

朕仰體

世祖章皇帝遺志欲躬詣

太祖

太宗山陵展祭以告成功前命議政王貝勒大臣九卿
科道等會議以各處多有災傷暫行停止今奉

太皇太后旨謂朕躬謁

山陵展祭告成關係大典即宜舉行以盡孝思朕仰遵
慈命擬躬行謁

陵禮應行事宜及需用各項著各該衙門速行備辦爾
部即遵諭行特諭康熙十年八月初六日

諭禮部

耕藉大典事關勸農來春應照例舉行其應行事宜詳
察典例具奏特諭康熙十年八月初八日

諭吏兵二部

差官巡察各地方及差遣大臣閱視兵馬等事前經條
奏俱著候旨舉行今思巡察地方關係吏治民生閱視
兵馬關係邊防軍務俱屬緊要應差遣何項官員著九
卿科道會同確議具奏特諭康熙十年八月初八日

諭吏部

前因浙江巡撫范承謨以患病具奏准其回京調理故
將山東巡撫袁懋功調補今據兩省督提奏稱百姓愛
戴號泣請留情詞懇切特順民情俱著各留原任張鳳

儀著候另缺推補爾部即遵諭行特諭康熙十年八月二十九日

諭兵部併督捕衙門

直隸重地理宜肅清邇來盜賊繁多大為民害地方官怠玩不能力行禁戢以致劫掠時聞真盜捕獲者少良民株累甚多皆因防汛官員止於降罰帶罪緝拏其間有失事最多不能盡職者仍令留任愈致貽誤地方今盜賊應作何禁戢嚴拏及以盜案降罰幾次者作何處

分爾部再行定議具奏至京城內外盜賊棍徒肆行無忌作何責成官役嚴行緝拏亦著一併議奏特諭康熙十年十二月初五日

諭禮部尚書哈爾哈齊侍郎常鼎

人君對越神祇務盡其誠敬之心禮儀節文宜臻明備每年元旦躬詣堂子展拜可令鳴贊贊禮永著為例康熙十一年正月初一日

諭太常寺

祀典關係重大理宜敬慎嫻習近見爾衙門典禮俱未
諳練又所奏音樂多未合節殊非慎重禋祀之義以後
著詳加練習勿得仍前怠忽褻越祀典特諭康熙十一
年正月十八日

諭戶部

江南省連年水旱相仍災傷甚重與別省不同若將舊
欠錢糧一併追徵民生愈致困苦朕心不忍其該省以
前未完錢糧察實係拖欠在民者著暫行停徵俟民力

稍蘇之時再行具奏請旨爾部即遵諭行特諭康熙十一年四月初四日

諭吏部等衙門

江南省事務繁劇與他省不同向來照定限料理不能如期完結各官罹叅罰者甚多前原任山陝總督莫洛曾請寬限積案始得清楚今應照此例將江南省一切陳積事件寬其限期令地方官料理完結爾部等衙門詳議具奏特諭康熙十一年四月初六日

諭吏兵二部

陝西幅員遼闊邊疆重地防禦宜周省城有將軍滿兵
駐防總督衙門應移駐近邊扼要地方專管陝西以便
控制其山西省附近京師應照山東河南例令該撫料
理爾二部會同詳議具奏特諭康熙十一年四月十八
日

諭吏部

原任大學士衛周祚品行端方清慎素著曩以引疾請

告回籍調理今閣務殷繁贊理需人著即召取馳驛來
京入閣辦事爾部即遵諭行特諭康熙十一年四月二
十七日

諭刑部

刑獄重地人命攸關天氣炎熱亟宜清理雖熟審現有
定例但已結大案現在監禁各犯或有無知而罹法網
小過而陷重辟者株連無辜久淹禁羈朕心每思及此
深為惻然茲特遣大學士圖海杜立德學士哈占宋德

宜等會同三法司逐一詳加審鞫凡有罪可矜疑者即與察明事由開列具奏務使情法允協有枉必申以副朕欽恤刑獄至意特諭康熙十一年六月二十五日

諭工部

河道屢年衝決地方被災民生困苦深軫朕懷據差往看視決口侍衛吳丹學士郭延祚回京繪圖進呈朕觀黃河自宿遷以至清河皆為緊要雖有遙隄恐一層未足捍蔽水勢應否於遙堤之外再築遙堤爾部即行河道

總督漕運總督會同相視商酌築堤果否有益併所需
錢糧若干逐一詳確議奏爾部即遵諭行特諭康熙十
一年六月二十七日

諭宗人府

貝子尚善性行端良凡事小心敬慎勤勞為國著仍復
其原多羅貝勒爾衙門即遵諭行特諭康熙十一年閏
七月初二日

諭刑部

設立刑法原以戢奸禁暴必事情重大方可用刑嚴訊
近見內外問刑衙門嘗有濫用夾棍致斃人命者朕心
殊為不忍以後審問事情爾等務加詳慎勿得輕聽問
官不分輕重動輒夾訊希圖草率結案仍將審事官員
嚴加申飭不時稽察其有任情作弊者即行指實題叅
務使重刑不得濫及無辜以副朕矜恤民命至意若有
不應夾訊之人擅用夾棍及罪不至死徑行夾死者應
作何處分爾部會同吏兵二部定議具奏特諭康熙十

一年閏七月十四日

諭禮部

帝王致治首在維持風化辨別等威崇尚節儉禁止奢侈故能使人心淳樸治化休隆近見內外官員軍民人等服用奢靡僭越無度富者趨尚華麗貧者互相效尤以致窘乏為非盜竊詐偽由此而起人心囂凌風俗頹壞其於治化所關匪細今應作何分別務行禁止著九卿科道會同嚴加確議定例具奏特諭康熙十一年八

月十一日

諭兵部

都統副都統職司軍務關係重大必得其人乃克勝任
以後漢軍都統缺出著將該旗副都統應陞官員現任
提督一併開列具奏副都統缺出著將該旗叅領應陞
官員現任總兵官一併開列具奏爾部即遵諭行特諭
康熙十一年十月十九日

諭禮部

民資粒食以生今當播種之時亢暘不雨農事堪憂皆由朕躬涼德政治有所未協未能仰格

天心用是夙夜靡寧實圖修省以感召休和為民請命爾部即虔誠祈禱雨澤以副朕勤恤民隱至意特諭康熙十二年三月十一日

諭戶部

江南要地財賦繁多前馬祐所報歷年那移侵欠錢糧數目未清雖經有旨暫行停徵但官民侵欠必須分晰

明白應追應蠲始免牽混若止責令該督撫清察歲月
遲延茫無頭緒以致官民受累無所底止今應否專差
大臣前往徹底清察著九卿科道會同詳議具奏特諭
康熙十二年三月十三日

諭戶部

江南蘇松常鎮淮揚六府連年災荒民生困苦與別處
不同朕心時切軫念除今年錢糧已經派撥兵餉外其
六府康熙十三年地丁正項錢糧特行蠲免一半以昭

朕存恤災黎至意爾部即將應蠲免數目察明確議具奏特諭康熙十二年四月十二日

諭吏部

國家大小事務在內責成部院在外責成督撫其事情重太煩難者固應照限完結如平常易結之事理應速結以清沉滯近見內外各衙門題覆本章有將易結之事遲延不結必俟限滿乃為具題其不行具題完結遲滯者必多牽連守候必致苦累以後著速行完結勿得

遲延務俾案件清楚以副朕委任至意爾部即通行傳諭遵行特諭康熙十二年五月十一日

諭兵部

茲因地方底定平西親王吳三桂平南王尚可喜靖南王耿精忠各具疏請撤安插已允所請令其搬移前來地方應行事務及兵馬機宜必籌畫周詳乃為善後之策應各遣大臣一員前往會同該藩及總督巡撫提督商確作何布置官兵防守地方並照管該藩等起行應

差官員職名開列具奏特諭康熙十二年八月初九日
諭吏部

國家設立言官專司耳目凡政治得失民生利弊必須
詳切條陳直言無隱斯為稱職若但敷衍虛文浮冗勦
襲或以不急之務草率塞責非朕廣開言路之意今將
科道官親加考試其留用各員著益加勉勵殫心盡職
以副委任內石文郁范時起何名揚才庸無文不稱言
職著革職爾部即遵諭行特諭康熙十二年八月十二

日

諭吏兵二部


雲南地屬遠疆今該藩官兵既撤控制需人應專設雲南總督一員添設提督一員責成專管料理爾部速議具奏特諭康熙十二年八月十八日

諭戶部

平西親王吳三桂平南王尚可喜靖南王耿精忠等請撤安插已允搬移該藩及各官兵家口安插地方所需

房屋田地等項應預為料理務令到日即有寧居以副
朕體恤遷移至意爾部作速詳議具奏特諭康熙十二
年八月十八日

聖祖仁皇帝御製文集卷三



總校官庶吉士臣侍朝

校對官檢討臣王福清

膳錄監生臣宣祿光

膳錄貢生臣于飛熊

欽定四庫全書薈要

集部

聖祖仁皇帝御製文集卷

四至
六

詳校官原任編修 臣 徐立綱

欽定四庫全書薈要

聖祖仁皇帝御製文集卷四目錄

勅諭

諭禮部

諭吏部

諭吏部等衙門

諭刑部

諭戶部



諭吏兵二部

諭吏禮二部

諭吏兵刑三部

諭兵部

諭兵刑二部

諭兵部

諭吏兵二部

諭吏部

諭兵刑二部

諭兵部

諭禮部

諭兵刑二部

諭兵部

諭兵部

欽定四庫全書薈要卷一萬二千九百八十六集部

聖祖仁皇帝御製文集卷四

勅諭

諭禮部

壇廟祭祀國家大典必儀文詳備允符禮制乃可肅將
誠敬昭格神明其致祭時辰齋戒處所稽諸往代各有
定制爾部詳察典例酌議妥確具奏特諭康熙十二年
八月二十日

諭吏部

向來定例外官告病不准起用原以防其規避但其中或有才品優長政績素著者迫於一時至情引例告歸終身棄置不錄深為可惜應令地方督撫確行諮訪果有才品堪用者據實保奏以憑擢用其作何舉行爾部詳議具奏特諭康熙十二年九月初五日

諭吏部等衙門

國家致治首在崇尚寬大愛惜人才俾事例簡明易於

遵守處分允當不至煩苛乃符明作惇大之治向來各部衙門俱定有處分條例已經頒行但其中款項太多過於繁密以致奉行者或以膠執為守法或以苛察為詳明或例所未載援引比附輕重失宜徒據成規罔原情理大小各官稍有過誤動觸文網雖具才能弗獲展布深為可惜著該部各衙門將見行處分條例重加訂正斟酌情法刪繁從簡應去應留逐一分別詳議具奏特諭康熙十二年九月十八日

諭刑部

自古帝王欽恤民命務期獄無枉縱讞決明允以成刑
措之治朕每於秋決重犯特為詳慎惟恐一夫有冤以
傷和氣向來朝審之例先期進呈招冊然後九卿科道
會審覆奏完結乃外省秋審奏本內止有節畧觀覽未
能明晰又有屢經續到之案為期甚迫以致過期復俟
來年殊為不合以後外省秋審應令預期照在京朝審
例造冊進呈亦著九卿科道會同覆核奏請定奪其造

進招冊及奉旨結案行咨俱應限定日期爾部一併詳議定例具奏特諭康熙十二年十一月初一日

諭戶部

自古國家久安長治之謨莫不以足民為首務必使田野開闢蓋藏有餘而又取之不盡其力然後民氣和樂聿成豐亨豫大之休見行墾荒定例俱限六年起科朕思小民拮据開荒物力艱難恐催科期迫反致失業朕心深為軫念以後各省開墾荒地俱著再加寬限通計

十年方行起科其該管地方官員原有議敘定例如新任之官自圖紀敘故掩前功紛更擾民者著各該督撫嚴行稽察題叅處分爾部即遵諭行特諭康熙十二年十一月初五日

諭吏兵二部

國家用人宜尚恬靜之風人臣服官首重廉耻之節邇來文武官員或因不得陞遷或因不與差遣輒稱冤枉紛紛控告不過圖便已私原非從公起見即使果係應

陞應差自行辦白希求榮利廉耻之道已虧豈能修舉
職業克副任使理宜嚴加禁止以肅官常爾二部通行
申飭遵行特諭康熙十二年十二月初六日

諭吏禮二部

致治之道首重人才儲養之源由於學校必衡鑒得人
釐剔有法乃能革除積弊遴拔真材以彰文治之盛近
聞直省學差沿習陋規隳廢職業營私作弊考試不公
以致真才淪棄文治不光今應作何整飭差遣何官磨

勘考核之法何以盡善務期永革弊端著九卿科道會同詳確議奏特諭康熙十二年十二月十八日

諭吏兵刑三部

吳三桂背恩反叛其原係伊所屬之人見在直隸各省文武官員人等恐因三桂反叛心懷疑畏致罹法網有負朕撫育好生之意已有諭旨槩從寬宥雖有父兄子弟見在雲南者亦不株連其見隨吳應熊在京及職任部院官員亦應寬宥著議政王貝勒大臣會同確議具

奏康熙十二年十二月二十三日

諭兵部

近因逆賊吳三桂背恩反叛已遣大兵前往征剿聞彼處百姓有預先驚避者輕離家室恐致失所朕心深為憫念向來大兵紀律嚴明所過並無騷擾今寧南靖寇大將軍啓行朕復面加戒諭務令秋毫無犯安輯地方逆寇煽亂不過一隅大兵到日立見蕩平該地方軍民人等俱係朕之赤子遣發大兵原以衛民何必妄生驚

恐著該地方官廣行宣諭俾其各安生理勿致流離以副朕定亂安民之意爾部即速行湖廣督撫提鎮等官通行曉諭遵行特諭康熙十三年正月十八日

諭兵刑二部

近因逆犯楊起隆詐稱朱三煽惑愚民潛謀不軌陸續緝獲俱經審明正法其株連者業行省釋除逆首楊起隆張子房金玉環鄭得勝仍嚴緝務獲外其餘黨與一槩從寬免緝以後著改行從善恪遵法紀勿得自干憲

典軍民人等俱宜各安生理不得聽信訛言自生疑懼
旁人亦不許妄行搜拏首告借端嚇詐擾害善良爾二
部即出示通行曉諭特諭康熙十三年正月二十三日
諭兵部

陝西提督王輔臣久歷戎行勞績素著近舉首反賊吳
三桂所送逆劄遣子奏聞堅守臣節益見忠貞朕心深
為嘉悅前已有旨事平之日從優議敘今應即行加恩
以彰激勸及其子作何敘用爾部一併速議具奏特諭

康熙十三年二月初四日

諭吏兵二部

陝西邊陲要地西控番回南通巴蜀幅員遼闊素號巖
疆茲逆賊吳三桂煽亂滇黔四川從逆秦省地處鄰封
恐有奸徒搖惑以致人心不寧雖有督撫提鎮等官各
盡乃職但軍務繁重必須專遣大臣假以便宜相機行
事方可綏靖中外保固邊疆刑部尚書莫洛前任秦督
深得軍民之心諳曉地方情形茲特授為經畧率領滿

兵駐劄西安府會同將軍總督而行巡撫提鎮以下悉聽節制兵馬糧餉悉聽調發一切應行事宜不從中制文武各官聽便選用吏兵二部不得掣肘隣省用兵當應援者酌量策應如有軍機將軍總督領兵而行俟湖廣四川地方底定即命還朝應兼職銜及應給勅印爾二部會同速議具奏特諭康熙十三年二月二十七日

諭吏部

大兵進勦逆賊指日蕩平地方恢復之後即應設官撫

綏民生料理事務頃以需人甚急已將漢軍堪用人員
照該督撫所請發往軍前候用其漢人中素有清操及
才能堪任煩劇者不拘資格著漢官大學士以下三品
堂官以上據實保舉發往軍前與漢軍官員一體並用
務期虛公舉薦有裨地方以副朕廣攬人才之意爾部
即遵諭行特諭康熙十三年三月二十日

諭兵刑二部

逆賊吳三桂值明季闖賊之變委身從賊尋以父死賊

手窮竄來歸

世祖章皇帝念其投誠優封王爵授之軍旅委以事權
異數殊恩振古未有爰及朕躬特進親王倚任等於腹
心思禮加於勲舊方期其感恩圖報殫竭忠忱詎意三
桂以梟獍之資懷狙詐之計陰圖不軌自啓釁端藉請
搬移輒行叛逆煽惑奸宄荼毒生靈極惡窮兇神人共
憤已經遣發大兵進勦剋期蕩平諸王大臣會議反逆
子孫理應誅戮以彰國法再三奏請朕尚冀其悔禍自

新束身待罪未忍即行加誅近覽三桂奏章詞語乖戾
妄行乞請諸王大臣咸以三桂怙惡不悛其子孫即宜
棄市再難寬緩朕思亂臣賊子孽由自作刑章具在衆
論僉同朕亦不得而曲貸之也本當照廷議將吳應熊
吳世霖并其餘子俱行凌遲處死但以應熊久在近侍
朕心不忍故將應熊及子世霖處絞其餘幼子俱免死
入官應坐人犯分別正法所有干連人等情罪稍可矜
原者勅所司槩行省釋以昭法外之仁爾二部即通行

曉諭內外軍民人等俾咸悉朕意特諭康熙十三年四月十三日

諭兵部

逆賊耿精忠庸懦無能癡愚寡識祇緣伊祖耿仲明航海來歸

太宗文皇帝念其投誠之功特封王爵寵眷優隆

世祖章皇帝定鼎燕京復加委任令其統兵鎮粵中道殞身其子耿繼茂叨恩承襲兩鎮巖疆恪共職守朕惓

懷勲裔恩禮有加及其病亡尤深軫卹特遣部臣頒賜
勅諭俾耿精忠襲封王爵自伊祖以及伊身受恩三世
四十餘年在精忠賴祖父之餘勲冒朝廷之崇秩自宜
感恩圖報殫竭忠忱不意其包藏禍心潛謀不軌乘吳
逆之變輒行反叛煽亂地方罪惡昭彰國法難宥今削
其王爵遣發大兵進勦指日蕩平但念其所屬官兵及
地方官員軍民人等或被逆賊迫脅雖懷忠義莫能自
明恐大兵一到玉石難分有能擒斬耿精忠投獻軍前

者優加爵賞或以兵馬城池納款者論功敘錄或力有不逮能自拔來歸者亦免罪收用其原係所屬之人直隸各省文武官員人等槩從寬宥雖有父子兄弟見在福建者亦不株連勿得心懷疑畏自罹法網負朕好生之意爾部即作速通行曉諭遵行特諭康熙十三年四月二十七日

諭禮部

皇后黑舍里氏作配朕躬已經十載上事

金史卷一百一十二
老四
太皇太后

皇太后克盡誠孝佐朕內治尤極敬勤節儉居身寬仁
逮下宮闈式化淑德彰聞茲於康熙十三年五月初三
日崩逝惓懷懿範痛悼彌深宜有稱諡以垂永久著內
閣翰林院會同擬奏其應行典禮爾部詳察速議具奏
特諭康熙十三年五月初八日

諭兵刑二部

蔡祿係福建投誠之人念其來歸加以宮銜給之世職

復從優擢用補授河南河北總兵官理應殫竭忠忱力
圖報効不意其潛畜逆謀欲應吳逆披甲練兵約期煽
亂經驛遞所設筆帖式密行報部奏聞差內大臣阿密
達前往察訊已近懷慶令人喚彼乃并不出城迎接及
入城往伊衙門輒敢放礮射箭拒敵因其叛形顯著俱
行擒拏奏請正法朕以人命關係重大恐有冤枉復令
詳加究審據其兵丁家人口供稱蔡祿製造烏鎗買騾
馬與楊來嘉差人往來同謀要迎吳逆謀反情真即將

蔡祿父子併伊姪蔡鼎席及同謀罪犯人等俱行正法
其餘投誠墾荒弁兵事無干涉者槩不株連叛逆法所
必誅良善務加綏輯國有成憲軍民無得驚疑爾二部即
通行曉諭俾咸悉朕意特諭康熙十三年五月十一日

諭兵部

平南王尚可喜累朝勲舊久鎮巖疆勞績懋著近吳三
桂等叛逆以來復能篤守忠貞殫心籌畫屢抒謀略保
固地方事平之日從優議叙已經有旨其藩下官兵及

該省文武官員兵丁俱能協力同心克効忠順防禦逆賊勞瘁行間朕心時切軫念事平之日俱著一併從優敘賚爾部即速行傳諭俾咸悉朕意特諭康熙十三年五月二十六日

諭兵部

曩者耿精忠之祖耿仲明於

太宗文皇帝時航海歸誠優錫王爵効力行間勞績茂著及其身故墨勒根王不令承襲

世祖章皇帝追念舊勲特准其子耿繼茂仍襲王封令其兩鎮嚴疆為國藩屏爰及朕躬惓懷勲裔恩寵有加後覽其病終遺疏有地方兵民凋敝賊寇未滅死不瞑目等語忠義肫篤深切軫念且因繼茂之子精忠自幼曾為近侍准襲王爵仍鎮閩省朕以精忠必能紹伊祖父遺訓殫竭忠猷無忝先烈乃不意近為逆賊吳三桂誘惑煽亂地方棄累世之忠貞構一旦之狂舉既干國法復墜家聲朕猶念其祖父前功諒精忠必係一時無

知墮人狡計與吳三桂不同故將三桂子孫正法精忠
在京諸弟照舊寬容所屬官兵並未加罪今湖廣遣寧
南靖寇大將軍順承王統領大兵由湖南進勦雲貴吳
逆指日授首鎮南將軍尼雅漢統領大兵由廣西進勦
雲貴四川遣安西將軍赫業及西安將軍瓦爾喀等統
領大兵已攻克七盤朝天等關直抵保寧刻期底定全
川並勦雲貴安南將軍希爾根統領大兵由江西進勦
福建平寇將軍耿特巴圖魯統領大兵由廣東進勦福

建又遣揚威將軍阿密達鎮西將軍席普臣安南將軍
華善鎮東將軍喇哈達等各統領大兵駐劄江南京口
等處調度征勦精忠殲滅在於旦夕但念其祖父宣力
累朝洎精忠之身遽至覆亡宗祀斬絕朕心深為不忍
且吳三桂乃本身投誠之人背恩反叛自取誅戮精忠
祖父以來受恩三世四十餘年非素蓄逆謀首倡叛亂
者比爾部即傳諭精忠果能追念累朝恩德及伊父忠
盡遺言草心悔禍投誠自首將侵犯內地海賊速勦圖

功即行赦免前罪視之如初朕以至誠待天下必不食
言俾其善自審度勿負朕保全勲舊之意爾部即遵諭
速行傳知特諭康熙十三年六月初一日

聖祖仁皇帝御製文集卷四

欽定四庫全書薈要

聖祖仁皇帝御製文集卷五目錄

勅諭

諭吏部

諭禮部

諭吏禮兵三部

諭兵部

諭吏部

諭兵部

諭刑部

諭兵部

諭禮部

諭吏兵二部

諭大將軍多羅貝勒等

諭禮部

諭內務府

諭禮工二部

諭兵部督捕衙門

諭兵部

諭吏戶兵三部

諭戶部

諭兵部

欽定四庫全書薈要卷一萬二千九百八十七

集部

聖祖仁皇帝御製文集卷五

勅諭

諭吏部

自古帝王統御天下必資后德之賢贊助政理昭宮闈之令範端王化之本源粵稽往代冊立中宮卽加恩所生榮錫封爵所以重內治隆恩禮甚盛典也緬維仁孝皇后作配朕躬歷經十載上事

太皇太后

皇太后克誠克孝佐朕治理惟敬惟勤節儉居身寬仁
逮下儀型允備淑德著聞詎意忽焉崩逝深悼朕懷榮
哀之禮已行推恩之典未舉內大臣噶布喇乃仁孝皇
后之父也勲舊世裔素篤忠貞翊衛攄夙夜之勞謀猷
重股肱之寄茲奉

太皇太后慈諭仁孝皇后毓質名門夙昭內則芳儀永
謝時切悲思維后德之攸彰實鍾祥之有自宜加宗秩

以合舊章朕恪遵

慈命特錫殊恩噶布喇著封為一等公給與誥命世襲罔替爾部卽遵諭行特諭康熙十三年十二月初八日

諭禮部

古帝王撫御天下莫不以禮制為先務然釐定章程必文質適中方可昭垂永久前見風俗近奢恐漸流於僭濫故令更定條例一切服飾力崇儉樸冀反淳龐詎意有司奉行過當專事苛細借端紛擾以致商賈壅滯物

力匱詎小民深為未便以後著仍照康熙九年定例遵
行現今一應禁約俱行停止爾部卽遵諭行特諭康熙
十三年十二月十三日

諭吏禮兵三部

平南王尚可喜航海歸誠勲猷懋著

太宗文皇帝嘉其勞績特錫王封及定鼎燕京復能殫
竭忠忱贊襄大業

世祖章皇帝知其夙篤忠貞畀以巖疆重任鎮守粵東

海氛寧靖百姓乂安近因吳三桂耿精忠等叛逆該藩
益勵忠純克抒偉畧悉心籌畫數建膚功朕甚嘉焉事
平優敘已有屢旨前據奏稱年老任重請以其子尚之
孝承襲王爵已允所請今思該藩累朝勲舊功著封疆
宜錫殊榮以酬茂績平南王尚可喜著晉封為平南親
王卽令其子尚之孝襲封尚可喜以親王品級頂帶支
俸示朕優眷之意廣東文武事務著尚可喜照舊料理
其親王之寶亦著暫行掌管尚之孝統兵在潮著給與

大將軍印應行封典爾等衙門卽遵諭行特諭康熙十四年正月初九日

諭兵部

寧夏總兵官陳福効力巖疆勞績素著屢次舉首逆劄克篤忠貞且其妻子家屬見在川中逆賊挾誘全無顧戀矢志不移深為可嘉著以見兼職銜陞補陝西提督給與勅印仍暫駐寧夏管總兵官事務陳福之弟守備陳奇妻之後卽赴平涼料理提督事務陳福之弟守備陳奇妻

子家口亦陷賊中深為可憫著從優以叅將陞用爾部
卽遵諭行特諭康熙十四年三月十九日

諭吏部

內閣機密重地事務殷繁贊理需人原任大學士巴泰
耆舊大臣雖向以年老請休精力尚健才品優長久諳
閣務著仍以原銜入閣辦事翰林院掌院學士熊賜履
素有才能居官清慎著陞內閣大學士應兼職銜著議
奏爾部卽遵諭行特諭康熙十四年三月三十日

諭兵部

本月初四日太監劉忠傳奉

太皇太后諭旨慈寧宮內庶妃有母九十餘歲同其兄
薩麻地尚在察哈爾處聞之深為憫惻軍前可弗加擄
掠等語朕欽承

諭旨仰見

太皇太后仁慈已極敢不敬副

聖懷爾部卽速行文彼處如伊等陣亡則已或存一二

或全未傷殘卽行收管其家產亦勿致散失交與內務
府所管莊頭解送來京特諭康熙十四年五月初四日
諭刑部

邇者天氣炎亢農事堪憂雖虔誠禱祈尚稽雨澤朕念
切民瘼夙夜焦勞或因刑獄淹禁中有冤枉致干

天和亦未可知茲特遣索額圖熊賜履等會同三法司
將已結重案逐一詳加審鞫如有罪可矜疑者卽與察
明事由開列具奏務期情法允協有枉必伸以副朕欽

恤獄讞至意特諭康熙十四年五月十七日

諭兵部

秦省巖疆重地軍務方殷靖逆將軍靖逆侯張勇忠勤
懋著謀畧優長久鎮西陲奠安疆圉近復躬履行間殫
心籌畫屢敗賊衆恢復城池志期殲滅逆渠底定秦隴
朕甚嘉之凡用兵籌餉一切機宜必須重其事權不拘
常格而後可以整飭軍紀齊一衆心以收蕩平之績所
屬地方總兵官有故違節制不聽調遣者許卽行指叅

副將以下有臨陣畏縮殺良冒功者聽以軍法從事其
文官自道員以下倘有遲悞緊急軍需者許會同巡撫
據實叅奏務令克展壯猷早奏膚功以副朕委任至意
爾部卽遵諭速行特諭康熙十四年閏五月初一日

諭禮部

帝王紹基垂統長治久安必建立元儲懋隆國本以縣
宗社之祥慰臣民之望朕荷

天眷誕生嫡子已及二齡茲者欽承

太皇太后

皇太后慈命建儲大典宜卽舉行今以嫡子為皇太子
爾部詳察應行典禮選擇吉期具奏特諭康熙十四年
六月初三日

諭吏兵二部

逆賊耿精忠背恩附逆煽亂閩疆荼毒生靈罪惡重大
其兄弟親族人等律應不赦但念伊祖耿仲明於

太宗文皇帝時航海歸誠効力行間著有勞績伊父耿

繼茂自

世祖章皇帝時亦効力行間鎮守邊陲耿精忠雖行同禽獸辜負國恩其弟耿昭忠耿聚忠等道途隔遠實未同謀竟爾株連朕心不忍耿昭忠耿聚忠及親族屬下人等茲槩從寬典盡行釋放所有官職俱令照舊爾部卽遵諭行特諭康熙十四年七月初四日

諭大將軍多羅貝勒等

比者仰荷

天佑及國家福祚秦州鞏昌蘭州等處漸次懾服朕甚
嘉悅亦係兵丁自保寧徒步跋涉深明大義殊死効力
所致貝勒等須不時存念若輩艱苦非緊要必節其勞
無大過則寬其罰始可謂之軫恤行間勞瘁也貝勒等
身為將軍事情經練頗多必能同寅協恭折衷而行斷
不徇一己之利但相隔遼遠意慮所及不得不為申布
秦地實為形勢要區今張勇等將軍提督總兵及投誠
兵衆雲屯一處將軍張勇之功況亦甚大恐貝勒等貌

忽視之生彼憤懣時厯朕懷貝勒等旣効勤勞底定秦
省務期克奏全功以慰朕望為此特諭康熙十四年七
月十六日

諭禮部

往代帝王陵寢所在地方理宜守護以妥神靈朕近行
幸湯泉道經昌平見明朝諸陵殿宇雖存戶牖損壞附
近樹木亦被摧殘朕心深為憫惻爾部卽嚴加申飭守
陵人戶令其小心護防仍責令該地方官不時稽察勿

致仍前怠玩以副朕優禮前代之意特諭康熙十四年九月十五日

諭內務府

設官分職務得真材必分別勤惰錄用方可各勉職守有裨部院衙門政務朕見票本筆帖式溫泰為人勤慎雖才品無甚優長自

世祖章皇帝時卽在票本之處効力守分寡交兼之年久其同事之人俱經超擢惟伊無人汲引耳現有郎中

缺出應將溫泰補用示朕造就之意且以風勵後之實
心効力者爾等卽遵諭行特諭康熙十四年九月二十
九日

諭禮工二部

仁孝皇后陵寢已卜定於

孝陵附近之山理應備依典制營建但目今軍需浩繁
民力維艱著將地宮先行修造其餘一應工程俟國用
充足之日次第舉行著卽選擇吉期竝應行事宜詳議

具奏特諭康熙十五年正月十三日

諭兵部督捕衙門

逃入事情關係旗下重大前因恐致百姓株連困苦故將條例屢行更改減定期於兵民兩益近見各該地方官奉行疎玩緝獲日少旗下民生深為未便茲應遣部院大臣會同爾衙門將新舊條例逐一詳定務俾永遠可行其應差官員職名著卽開列具奏特諭康熙十五年正月十四日

諭兵部

自逆賊煽亂以來各省綠旗官員兵丁剿禦賊寇恢復地方戮力行間著有勞績朕心時切軫念凡以前奉旨事平議敘者爾部逐一察明功次卽行議敘以昭朕酬庸鼓勵之意爾部卽遵諭行特諭康熙十五年五月初二日

諭吏戶兵三部

邇年以來各處大兵征剿軍需浩繁一切供應皆出民

力凡領兵將軍將弁及地方督撫文武大小各官俱當以國計民生為念潔已奉公加意撙節表率屬員恪遵法紀以副朕戡亂救民之意乃有不思勦寇安民平定地方專營私射利糜費錢糧軍前所用米豆草束等項自將軍以下有自行販買囑託地方官多取價值地方官徇其情面浮冒開銷者亦有地方官販買支放多行開銷者有已備本色不行收納折價入已者有民間運到米豆草束地方官故意遲延措勒及至軍前又將解官

多方刁難恣意需索方肯收納者至於購買馬匹不開實價以少為多濫行銷算種種情弊難以枚舉皆由大小各員互相徇庇惟知貪利圖便已私大不合理應嚴加禁飭處分以清積弊以後此等事情發覺者照貪官例治罪有能舉首者從優議敘著議政王貝勒大臣會同逐一詳確定議具奏特諭康熙十五年八月初四日

諭戶部

目今正當軍需浩繁在外總督巡撫及經管錢糧各官

俱宜潔已奉公殫心料理一應收支銷算詳明造冊據實開報聽部核議近見部覆各處奏銷本內或因款項不符或因數目舛錯或因造報遺漏或因冊結不到多致駁察道路往返動經歲月明係地方各官不加意清查故留疑竇希圖延挨時日以滋弊端錢糧朦混不清民力苦累益甚以後如何盡除積習錢糧不致駁察爾部定議具奏特諭康熙十五年八月十六日

諭兵部

自逆賊煽亂以來奸徒附和侵擾地方關隴以西疆域
遼闊大兵一時未集人心不無動搖靖逆將軍靖逆侯
張勇提督王進寶鎮臣孫思克一聞蘭州之變卽統領
兵馬星馳渡河剿殺賊衆攻圍蘭州臨鞏等處恢復城
池條奏機宜舉發偽札拏獲奸細綏靖邊陲其功甚大
及大兵攻取平涼專任靖逆侯張勇等鎮守秦鞏復殫
心籌畫調度合宜剿禦川賊屢奏捷音紓朕西顧之憂
厥功尤為茂著伊等皆宿將重臣矢志報國同心協力

展布謀猷兼以訓練士卒忠義素孚故能身先行陣所向克捷其屬下官員兵丁亦皆効力共建功績朕甚嘉之於軍功議敘之外應從優加恩以示朕獎勵忠貞酬答勲勞至意著議政王貝勒大臣會同議奏特諭康熙十五年八月二十日

聖祖仁皇帝御製文集卷五